

#1 : ყოვლისმომცველი სამოქმედო გეგმის შემუშავება ევროკავშირთან ასოცირების შესახებ შეთანხმების თანახმად

პასუხისმგებელი სტრუქტურა: სახელმწიფო შესყიდვების სააგენტო

შესრულების მაჩვენებელი: საქართველოსა და ევროკავშირს შორის ასოცირების შესახებ შეთანხმება ითვალისწინებს სახელმწიფო შესყიდვების კანონმდებლობის ევროკავშირის შესაბამის კანონმდებლობასთან ეტაპობრივ დაახლოებას. ეტაპობრივი დაახლოების იმპლემენტაციის მიზნით შემუშავდება ყოვლისმომცველი სამოქმედო გეგმა ასოცირების შესახებ შეთანხმების შესაბამისად.

პერიოდი: 2015 წელი დღემდე

პროგრესი: სახელმწიფო შესყიდვების სააგენტოს მოთხოვნით მოხდა SIGMA-ს (ევროკავშირისა და OECD ერთობლივი ინიციატივა) ტექნიკური დახმარების ინიცირება. SIGMA ტექნიკური დახმარების ფარგლებში პირველ ეტაპზე მოხდა საქართველოს შესყიდვების კანონმდებლობის შესაბამისობის ანალიზი ევროკავშირის შესაბამის დირექტივებთან. ამ საკანონმდებლო ანალიზის საფუძველზე სააგენტომ უკვე დაიწყო შესაბამისი საკანონმდებლო ცვლილებების შემუშავება. 2015 წლიდან სახელმწიფო შესყიდვების კანონქვემდებარე აქტში განხორციელდა ცვლილებები, კერძოდ:

- მიღებულ იქნა სახელმწიფო შესყიდვების სააგენტოს თავმჯდომარის 2015 წლის 27 თებერვლის №1 ბრძანებით დამტკიცებული „სახელმწიფო შესყიდვებთან დაკავშირებული დავების განხილვის საბჭოს საქმიანობის წესი“. ერთ-ერთი მნიშვნელოვანი ნორმა, რომელიც გამოარჩევს მას ძველისაგან, მდგომარეობს სატენდერო კომისიის ყველა სახის გადაწყვეტილების გასაჩივრების უფლებაში - შესაძლებელი გახდა შეწყვეტილი ტენდერების გასაჩივრებაც. აღნიშნული წესი მომჩივანს აძლევს შესაძლებლობას, სამართლებრივი ბერკეტების გამოყენებით, დაიცვას საკუთარი უფლებები და კანონიერი ინტერესები;
- სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“-ში შეტანილ იქნა ცვლილებები, რომლის მიხედვითაც, დაწესდა შერჩევა/შეფასების ზოგიერთი პროცედურის ვადა, სახელდობრ, შემსყიდველი ორგანიზაციას დაუწესდა კონკრეტული პერიოდი, რომლის განმავლობაშიც მან უნდა შეაფასოს პრეტენდენტის სატენდერო წინადადება და გამოავლინოს გამარჯვებული.

#2 : შემსყიდველი ორგანიზაციების შესაბამისი თანამშრომლების კვალიფიკაციის ამაღლება

პასუხისმგებელი სტრუქტურა: სახელმწიფო შესყიდვების სააგენტო

შესრულების მაჩვენებელი: სახელმწიფო შესყიდვების გარემოს გაჯანსაღების, აგრეთვე 4420 შემსყიდველ ორგანიზაციაში საჯარო შესყიდვების კვალიფიციური სპეციალისტების გაზრდის უზრუნველსაყოფად სახელმწიფო შესყიდვების სააგენტოს სასწავლო ცენტრში შემსყიდველი ორგანიზაციების შესაბამისი თანამშრომლებისათვის სპეციალიზებული ტრენინგების ციკლის ჩატარება. სააგენტომ 2014 წლის 15 ოქტომბერს გახსნა სასწავლო ცენტრი. პირველ ეტაპზე, 2014 წლის განმავლობაში, სააგენტოში გადამზადდება ადგილობრივი თვითმმართველობის ორგანოების 90 მეტი წარმომადგენელი. 2015 წელს, სააგენტო გეგმავს სასწავლო ცენტრის ბენეფიციართა წრის გაფართოებას, როგორც ადგილობრივი თვითმმართველი ერთეულების, ასევე ცენტრალური ხელისუფლების წარმომადგენელთათვის და სხვა სამართლებრივი ფორმის მქონე შემსყიდველი ორგანიზაციებისათვის.

პერიოდი: 2015 წელი დღემდე

პროგრესი/მიმდინარე: შემსყიდველი ორგანიზაციების შესაბამისი თანამშრომლების (მ.შ. სატენდერო კომისიების წევრების და აპარატის) კვალიფიკაციის ამაღლების მიზნით, სახელმწიფო შესყიდვების სააგენტოს სასწავლო ცენტრში სახელმწიფო სტრუქტურების წარმომადგენლებს ჩაუტარდა სახელმწიფო შესყიდვების კურსი. კურსის უნივერსალურობიდან გამომდინარე, სასწავლო კურსი განკუთვნილია მათთვის, ვინც ახორციელებს სახელმწიფო შესყიდვებს ნებისმიერ შემსყიდველ ორგანიზაციაში და სურს აიმაღლოს კვალიფიკაცია. ტრენინგის მონაწილეები იყვნენ სამინისტროების, სსიპ-ების, ააიპ-ების, თბილისის მერიის და გამგეობების თანამშრომლები. 2015 წლის იანვრიდან დღემდე ტრენინგი გაიარა სხვადასხვა შემსყიდველი ორგანიზაციების 90 თანამშრომელმა. გამოკითხულთა კმაყოფილების ტესტის მიხედვით ტრენინგის ორგანიზების ხარისხს ტრენინგების მონაწილეთა 99%-მა მისცა უმაღლესი შეფასება ანუ შეაფასა, როგორც ძალიან კარგი. მსმენელთა 80%-ს მიაჩნია, რომ მათი საქმიანობისთვის ამ სახის ტრენინგი არის აუცილებელი, ხოლო 10 % მიაჩნია, რომ საჭიროა.

#3 : სახელმწიფო შესყიდვების სააგენტოს თანამშრომელთა კვალიფიკაციის ამაღლება**პასუხისმგებელი სტრუქტურა:** სახელმწიფო შესყიდვების სააგენტო

შესრულების მაჩვენებელი: სახელმწიფო შესყიდვების სააგენტოს თანამშრომელთა კვალიფიკაციის ამაღლების სფეროში, ევროკავშირის წევრი და სხვა მოწინავე ქვეყნების კანონმდებლობის საუკეთესო პრაქტიკასთან ეტაპობრივი დაახლოების მიზნით, სხვადასხვა ქვეყნების პრაქტიკის გაცნობა და გამოცდილების გაზიარება სასწავლო ვიზიტების გზით. ასევე მონიტორინგის განხორციელების და ელექტრონული სერვისების შემდგომი განვითარების კუთხით, სააგენტოს თანამშრომლებისათვის სასწავლო კურსების და

გაცნობითი ხასიათის ვიზიტების ორგანიზება, ასევე საერთაშორისო სემინარებში და კონფერენციებში მონაწილეობის მიღება.

პერიოდი: 2015 წელი

პროგრესი: ამ ეტაპზე პროგრესი არ არის

#4 : მიმწოდებელი ბიზნეს-ორგანიზაციებისათვის საინფორმაციო კამპანიის წარმოება

პასუხისმგებელი სტრუქტურა: სახელმწიფო შესყიდვების სააგენტო; მსოფლიო ბანკი

შესრულების მაჩვენებელი: ქვეყანაში ეკონომიკური განვითარების და დასაქმების ხელშესაწყობად, სახელმწიფო შესყიდვების გარემოს გაჯანსაღების, ბიზნეს-სექტორის მეტი ჩართულობის, კონკურენციის განვითარების მიზნით, აგრეთვე თითქმის 19,000 მიმწოდებელ ორგანიზაციაში ინფორმირებულობის უზრუნველსაყოფად საინფორმაციო-პროპაგანდისტური კამპანიის, აგრეთვე, მრგვალი მაგიდების და სხვა ტიპის შეხვედრების (მ.შ. გასვლითი რეგიონული) ციკლის ჩატარება.

პერიოდი: 2015 წელი დღემდე

პროგრესი/მიმდინარე:

4 მაისიდან სახელმწიფო შესყიდვების სააგენტო მსოფლიო ბანკის ფინანსური მხარდაჭერით იწყებს სასწავლო კურსის ჩატარებას ბიზნეს-ორგანიზაციების 45 წარმომადგენლისთვის. ტრეინინგის ხანგრძლივობა არის ორი კვირა. კურსი მოიცავს: სახელმწიფო შესყიდვების ზოგად მიმოხილვას, შესყიდვების გეგმას და CMR (სახელმწიფო შესყიდვების ხელშეკრულებების ელექტრონული მოდული), გამარტივებულ შესყიდვას, ელექტრონულ ტენდერებს, ტენდერებში მონაწილეობას, შერჩევა-შეფასების პროცესს, შავი და თეთრი სიების წარმოებას.